



**Ebazpena, 2017ko maiatzaren 11koa, Hezkuntza Saileko Langileak Kudeatzeko zuzendariarena. Honen bidez, 2017/2018 ikasturterako Berritzeguneetan hainbat lanpostu —zerbitzu-eginkizunen edo, hala behar balitz, behin-behineko esleipeneko erregimenean— betetzeko deialdia egin, eta ordezkapenen lan-poltsa bat sortzen da.**

Berritzeguneak Prestakuntzan eta Berrikuntzan Laguntzeko Zentroak dira, eta eremu edo/eta lurralde jakin batean Hezkuntzan Laguntzeko Zerbitzuak emateko sortu dira, unibertsitatez kanpoko irakaskuntza berritze eta hobetze aldera.

Ingurugela zentroek irakasleei eta ikastetxeei sustatzeko ekipamendu publikoen sarea osatzen dute. Unibertsitateaz kanpoko hezkuntza-sisteman ingurumen hezkuntzako planak eta programak koordinatzen dituzte.

Deialdi honen helburua da zentro hauetan hainbat lanpostu betetzea 2017/2018 ikasturterako, Hezkuntza Berritzatzeko Zuzendaritzak proposatuta.

Lanpostu hauek zerbitzu-eginkizuneko erregimenean beteko dira, uztailaren 6ko 6/1989 Legeak, Euskal Funtzio Publikoari buruzkoak, 54. artikuluan ezarritakoa betez; eta baita uztailaren 6ko 185/2010 Dekretuak, Euskal Autonomia Erkidegoko unibertsitateaz kanpoko irakasle funtzionarioen lan-baldintzak arautzen dituen akordioa onartzen duenak, 12. artikulua 4. eta 5. paragrafoetan ezarritakoa ere. Figura hori funtzionarioei izango zaie aplikagarria.

Lan-kontratua duten langileei dagokionez, Enplegatu Publikoaren Oinarriko Estatutuari buruzko Legearen testu bategina onesten duen urriaren 30eko 5/2015 Legegintzako Errege Dekretuak, 83. artikuluan ezartzen duenez, lan-kontratudun langileak lekuz mugitu eta lanpostuak betetzerakoan, aplikatzekoak diren hitzarmen kolektiboetan ezarritakoa izango da oinarri, eta, horrelakorik ezean, karrerako funtzionarioak lekuz mugitzeko eta lanpostuak betetzeko sistema hartuko da aintzakotzat.

Horregatik, egokitzen jotzen da lan-kontratudun langileek lanpostuak betetzeko deialdi honetan parte hartu ahal izatea behin-behineko esleipenaren figuraz, zeina zerbitzu-eginkizunen sistemaren antzekoa baita.

Horren arabera, betiere Hezkuntza Sailaren egitura organikoa eta funtzionala ezartzen duen apirilaren 11ko 79/2017 Dekretuaren 10. artikuluan xedatutakoa kontuan hartuta, honako hau

## **EBAZTEN DUT:**

### **Lehenengoa.- Deialdiaren xedea.**

Deialdi honen xedea da I. eta II. Eranskinetan zerrendatzen diren lanpostuak betetzea, 2017/2018 ikasturterako.

Funtzionarioen kasuan, zerbitzu-eginkizunean beteko dira lanpostuak.

Lan-kontratudun langileen kasuan, behin-behineko esleipenaz beteko dira.

**Bigarrena.- Deialdi honetan parte hartzeko eskakizunak.**

- Karrerako funtzionarioa izatea Euskal Autonomia Erkidegoko unibertsitateaz kanpoko irakaskuntzako hurrengo kidegoetako batean, eskatutako lanpostuaren arabera:
  - Maisu-maistren kidegoa.
  - Bigarren Hezkuntzako Irakasleen kidegoa.
  - Lanbide Heziketako Irakasle Teknikoen kidegoa.
  - Hizkuntza Eskola Ofizialetako Irakasleen kidegoa.

Aipatutako mailetako lan-kontratu finkoa duten irakasleek ere parte hartu ahal izango dute.

Orobat parte hartu ahal izango dute bitarteko funtzionarioek, baina lehentasuna izango dute karrerako funtzionarioek nahiz lan-kontratu finkoa duten langileek.

- Eskatera aurkezten denean, Hezkuntza Sailaren menpeko ikastetxe publiko batean zerbitzu aktiboko egoeran, edo postuaren erreserba dakarren egoera administratiboren batean egotea, eginkizun gabetzea izan ezik.

Era berean, parte hartu ahal izango dute, deialdi honen bidez zerbitzu aktibora itzuliz, zerbitzu berezietakoek eta borondatezko eszedentzia egoeran daudenek, beti ere egoera horretan egoteko gutxieneko epea bete baldin badute.

- Ebazpen hau argitaratu den egunera bitarte, 2017/2018 ikasturterako deialdi honetan deitutako ez bestelako lanpostu baterako izendatua ez izana zerbitzu-eginkizunean edo behin-behineko esleipenaz.
- Lanpostu-Zerrendan jasotako lanpostuei dagokienez, eskatzaileek dagokion Lanpostu-Zerrendak lanpostu bakoitzerako eskatzen dituzten baldintzak bete beharko dituzte. Deitutako lanpostuak I. Eranskinean jasota daude. (41/2009 Dekretua, otsailaren 17koa, EHAA 40. zk.; 2009/02/26).

Laguntzaile eta idazkari lanpostuetan, lanpostu bakoitzaren eskakizun bereziak bete beharko dira; II. Eranskinean zehaztuta daude.

- Bereziki, deialdi honetatik kanpo geratzen dira 2017/2018 ikasturterako IRALE programarako liberatuta egongo direnak.
- Aurreko ikasturteetan esleitutako zerbitzu-eginkizuna edo behin-behineko esleipena 2017/2018 ikasturterako luzatzeari uko egin dioten pertsonak, ezingo dute ukoaren xede den lanpostua aukeratu.
- Behin zerbitzu-eginkizuna edo behin-behineko esleipena esleituta, ezingo zaio hari uko egin, deialdi honen xede den ikasturtea bukatu arte.

**Hirugarrena.- Eskabideak formalizatzea eta horiek aurkezteko epea.**Eskabideak eta aurkezteko lekua

Izangaiek beren eskabidea egin beharko dute Hezkuntza Sailaren webgunean argitaratutako eredu ofizialean.

Eskabidea Hezkuntza Saileko Langileak Kudeatzeko zuzendariari bidali beharko zaio.

Eskabideak ondoko lekuetan aurkeztu ahaliko dira:

- Hezkuntza Sailaren lurralde-ordezkaritzetan.



- Herri Administrazioen Administrazio Prozedura Erkidearen urriaren 1eko 39/2015 legearen 16.4 artikuluan adierazitako erregistroetako edozeinetan

#### Eskabideen edo eskaeren kopurua

Parte-hartzaile bakoitzak ezingo ditu bere eskaeran bost (5) eskari baino gehiago sartu, eta lehentasun-irizpideei jarraituta ordenatuko ditu. Lanpostu bakoitza banan-banan eskatu beharko da, lanpostuaren edo funtzioen izena eta herria zehaztuta.

#### Epea

Eskaerak aurkezteko epea 2017ko maiatzaren 19an bukatuko da, egun hori barne.

#### **Laugarrena.- Eskabidearekin batera nahitaez aurkeztu beharreko dokumentazioa.**

Eskabideak ondokoarekin batera aurkeztu beharko dira:

- **Eskatutako betekizun espezifikoak:** Haiek egiaztatzeko dokumentazioa (originala edo kopia konpultsatua).
- **Adierazitako merezimenduak:** Egiaztagiri ofizialak (originalak edo kopia konpultsatuek).
- **Memoria:** Hautagaiek bete beharreko funtzioei eta lanari buruzko memoria bat aurkeztu beharko dute. IV. Eranskineko formatua erabili beharko da.

Eskabidearekin batera aurkeztu ez diren merezimenduak ez dira baloratuko, ezta dokumentazioan jaso arren behar bezala egiaztatu ez direnak ere.

#### **Bosgarrena.- Balorazio-baremoa.**

Izangaien merezimenduak, eta baita memoria ere, deialdi honen III. Eranskinean ezarritako balorazio-baremoaren arabera puntuatuko dira. Ebazpen hau argitaratzeko datara bitarte gauzatu eta behar bezala egiaztatutako merezimenduak soilik izango dira baloragarriak.

Guztira 20 puntu lor daitezke gehienez.

Guztira gutxienez 8 puntu lortzen ez dituzten pertsonak prozesutik kanpo geratuko dira.

Memorian 4 puntu gutxienez lortzen ez dituztenak prozesutik kanpo geratuko dira

Puntuazioaren guztizkoan berdinketarik gertatuz gero, honela ebatziko da, hurrenez hurren: baremoaren atal bakoitzeko puntuazio altuenari begiratzuz eta atalak baremoan duten hurrenkera kontuan hartuz.

#### ***Balorazio-prozesuaren faseak:***

1. Izangaiak haiek bete nahi dituzten lanpostuetan eskatzen diren betekizunak betetzen dituztela egiaztatzea: Egiaztapen hau dagokion Lurralde Ordezkaritzak burutuko du.
2. Memorien balorazioa: Memoriak baloratzeko batzorde teknikoak eratuko dira, eta ondokoek osatuko dituzte: ebaluatu beharreko arlo edo esparruko dagozkien Berritzeguneetako pertsonal teknikoak.  
  
Batzordeak parte hartzaileak deitu ahal izango ditu memoriak defenditzeko, beharrezko iritzi gero.
3. Merezimenduen balorazioa: Hezkuntza Saileko Lurralde Ordezkaritzetako Berrikuntza eta Langileak Kudeatzeko zerbitzuek egingo dute balorazio hori.
4. Ondoren, fase ezberdinen balorazioak balorazio batzorde orokorraren esku jarriko dira.

**Seigarrena.- Balorazio Batzorde Orokorra.**

Deialdi honetan eskatutako baldintzak betetzen dituzten eta dagokion epean eta moduan aurkeztu diren eskariak dagokion balorazio batzorde teknikoak eta bosgarren puntuan aipatutako gainerako zerbitzuek baloratuko dituzte, dagozkien ataletan.

Bosgarren puntuan aipatutako batzorde teknikoak osatzeaz gain, Balorazio Batzorde Orokorra osatuko da. Azken batzorde horren helburua ebazpen proposamena egitea da.

Hauek izango dira batzordeko kideak:

- Lehendakaria:
  - Hezkuntza Berriztatzeko zuzendaria, edo hark eskuordetutako pertsona.
  
- Batzordekideak:
  - Hezkuntza Berriztatzeko lurralde-ordezkariek, edo horiek eskuordetutako pertsonak.
  - Langileak Kudeatzeko Zuzendaritzako teknikari bat.
  
- Idazkaria:
  - Hezkuntza Berriztatzeko Zuzendaritzako teknikari bat.

Era berean, sektorean ordezkapen nahikoa duen sindikatu bakoitzeko ordezkarik egon ahal izango da Balorazio Batzorde Orokorrean, hitzarekin baina botorik gabe.

**Zazpigarrena.- Ebazpena.*****Behin-behineko ebazpena eta erreklamazioak.***

Balorazio-prozesua egin ondoren, balorazio batzorde orokorraren lehendakariak, Langileak Kudeatzeko zuzendariari bidaliko dio deialdi honen ebazpenaren proposamena, azken honek deialdiaren Behin-behineko Ebazpena eman dezan. Bertan, onartu eta baztertutako izangaiak azalduko dira; era berean, izangai bakoitzari emandako puntuazioak ere azalduko dira.

Behin-behineko Ebazpena Hezkuntza Sailaren webgunean argitaratuko da.

Hiru egun balioduneko epea izango da erreklamazioak egiteko.

***Behin betiko ebazpena.***

Izan daitezkeen erreklamazioak aztertu ondoren edo erreklamaziorik ez balego, Langileak Kudeatzeko zuzendariak jakitera emango du deialdiaren behin betiko ebazpena. Bertan, hautagai bakoitzari emandako balorazioak azalduko dira, hautatutako eta baztertutako pertsonen azken zerrenda emango da, eta hutsik gera zitezkeen lanpostuak ere azalduko dira. Hautagaiek lanpostuetan eskatutako baldintza guztiak betetzen badituzte —barnean hartuta balorazio-baremoan eskatutako gutxieneko puntuazioa—, deitutako lanpostuak ezingo dira hutsik geratu.

Aipatu ebazpena Hezkuntza Sailaren webgunean argitaratuko da.

Behin betiko ebazpenaren kontra, gora jotzeko errekurtsua jarri ahal izango zaio Administrazio eta Zerbitzuen sailburuordeari hilabeteko epean, ebazpen hau argitaratu eta biharamunetik aurrera.



### **Zortzigarrena.- Izendapena eta luzapenak.**

Hautatutako izangai bakoitza bere lanposturako izendatua izango da 2017/2018 ikasturtea amaitu arte, betiere ikasturtean zehar titularra berriro lanean hasten ez bada.

Zerbitzu-eginkizunak ematea, betiere, lanpostuak lekualdatze-lehiaketaren bidez ez betetzearen baldintzapean dago.

Hautatutakoa zerbitzu aktiboan egon beharrenean beste administrazio-egoera batean egonez gero, zerbitzu-eginkizuna edo behin-behineko esleipena eskuratzeko lanera itzuli beharko du berehala, eta aldi berean esleituko zaio zerbitzu-eginkizuna edo behin-behineko esleipena. Ez badu hala egiten, eskubidea galduko du, eta hurrengo puntuazio handiena duen pertsona hautatuko da.

Karrerako funtzionarioei zerbitzu-eginkizun bat emango zaie lanpostu horiek 2017/2018 ikasturtearen amaierara arte betetzeko.

Lan-kontratudun langileen kasuan, lanpostu horiek betetzeko behin-behineko esleipenaren ebazpena emango da, 2017/2018 ikasturtearen amaierara arte.

Halaber, ordezkapenatarako hautagaien zerrendetan izena emanda dauden langileak edo bitarteko langileak aukeratuz gero, lanpostu horretan izendatuko dira 2017/2018 ikasturtearen amaierara arte.

Aldi hori igaro ondoren, Hezkuntza Administrazioak egindako ebaluazioa positiboa bada, Langileak Kudeatzeko zuzendariak izendapena luzatu ahal izango du hurrengo ikasturteetarako, horretarako ezarritako prozedurari jarraituz eta lekualdatze-lehiaketen bidez betetzen ez badira.

### **Bederatzigarrena.- Ordainsariak.**

Ebazpen honetako I. Eranskinean jasotako lanpostuetarako aukeratutako pertsonak zerbitzu-eginkizunean edo behin-behineko esleipenean betetako lanpostuari dagozkion ordainsariak jasoko dituzte.

Berritzeguneko laguntzaile-funtzioak —ebazpen honen II. Eranskinean jasota daude — egiteko aukeratutako pertsonak Berritzeguneko aholkulariei dagozkien ordainsariak jasoko dituzte.

### **Hamargarrena.- Ordezkapenen poltsa.**

Deialdi hau ebaztearen ondorioz ordezkapenen poltsa bat eratuko da, lurraldeka eta espezialitateka, lanpostu hauen balizko ordezkapen beharrianak daudenean soilik erabiltzeko. Gutxieneko puntuazioa gainditu baina hautatuak izan ez diren pertsonak aipatu poltsa osatuko dute lanpostu bakoitzean, merezimenduen baremazioan lortutako puntuazioaren arabera.

Poltsa deialdi honen bosgarren puntuan ezarritakoaren arabera ordenatuta egongo da. Deiei dagokienez, ordezkapena egiteko beharra sortu den unean lanean ez dagoen pertsonalari bakarrik burutuko zaio. Deialdi honi buruzko ebazpena eman eta 2017ko abenduaren 31ra arte sor litezkeen lanpostu hutsak betetzeko izango da poltsa hori. Kasu horietan, ezingo da aplikatu ebazpen honetako zortzigarren puntuan xedatutako luzapen-aukera.

Aldi baterako beharrak estaltzeko ordezkapenei dagokienez, 2012ko abuztuaren 27ko Agindua, Hezkuntza, Unibertsitate eta Ikerketako sailburuarenak, Euskal Autonomia Erkidegoko unibertsitatez kanpoko herri-ikastetxeetan egon daitezkeen aldi baterako irakasleen beharrak estaltzeko hautagaien zerrenda kudeatzeko araudia onartzen duenak, 19. artikuluan ezarritakoari jarraituko zaio.

**Hamaikagarrena.- Datu pertsonalen babesa.**

Eskatzaileek ematen dituzten datu pertsonalak fitxategi automatizatu batean sartuko dira; fitxategi horren helburua deialdi hau kudeatzea izango da. Fitxategiaren arduraduna Langileak Kudeatzeko Zuzendaritza izango da. Datuak atzitu, zuzendu, ezereztu eta aurka egin nahi izanez gero, bertara jo behar da: Donostia kalea 1, 01010 Gasteiz.

Fitxategi horren erabilera eta funtzionamendua, betiere, izaera pertsonaleko datuen babesari eta titulartasun publikoko izaera pertsonaleko datuen fitxategiei buruzko legediko aurreikuspenetara egokituko da (15/1999 Lege Organikoa, abenduaren 13koa, izaera pertsonaleko datuak babesteari buruzkoa; 2/2004 Legea, otsailaren 25ekoa, Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzkoa; eta garapeneko araudia).

Eskatzaileak ados daude beren datu pertsonalak deialdi honetan ezarritako xederako eta bertan aipatzen den bezala erabiltzearekin, bai eta Hezkuntza Saileko webgunean ([www.hezkuntza.ejgv.euskadi.eus](http://www.hezkuntza.ejgv.euskadi.eus)), baina deialdiaren berezko izapideetarako soilik.

**Hamabigarrena.- Ordezko araudi aplikagarria.**

Ebazpen honek prozedurari dagokionez arautu ez duen orotan, aplikagarria izango da Herri Administrazioen Administrazio Prozedura Erkidearen urriaren 1eko 39/2015 legea.

**HELEGITEAK**

Ebazpen honen kontra, gora jotzeko errekurtoa jarri ahal izango zaio Administrazio eta Zerbitzuen sailburuordeari hilabeteko epean, berau jakinarazi eta biharamunetik aurrera, betiere Herri Administrazioen Administrazio Prozedura Erkidearen urriaren 1eko 39/2015 legearen 112.1 artikuluari dagokionez, 121. artikuluan eta hurrengo artikuluetan xedatutakoaren arabera.

Vitoria-Gasteizen, 2017ko maiatzaren 11an.

**Konrado Mugertza Urkidi**  
**LANGILEAK KUDEATZEKO ZUZENDARIA**



## I. ERANSKINA

## HEZKUNTZAN LANGUNTZEKO ZERBITZUETAKO (BERRITZEGUNEAK) LANPOSTU-ZERRENDAN JASOTAKO LANPOSTUAK

**A01 Berritzegunea Vitoria-Gasteiz**

- Etapako aholkularia: Haur eta Lehen Hezkuntza
- Etapako aholkularia: Lehen Hezkuntza
- Etapako aholkularia: Lehen Hezkuntza
- Etapako aholkularia: Bigarren Hezkuntza. Arlo zientifiko-teknologikoa
- Etapako aholkularia: Bigarren Hezkuntza-Arlo sozio-linguistikoa
- Hezkuntza-Premia berezien aholkularia: Ikasteko gaitasunen garapena (Titularraren urte sabatikoa)

**A02 Berritzegunea Vitoria-Gasteiz**

- Etapako aholkularia: Haur eta Lehen Hezkuntza
- Etapako aholkularia: Lehen Hezkuntza
- Etapako aholkularia: Bigarren Hezkuntza. Arlo zientifiko-teknologikoa
- Hezkuntza-premia berezien aholkularia: Gizarteratzea

**G01 Berritzegunea. Donostia**

- Etapako aholkularia: Lehen Hezkuntza
- Programako aholkularia: Informazioaren eta Komunikazioaren Teknologiak (IKT)

**G03 Berritzegunea. : Eibar**

- Zuzendaria

**G06 Berritzegunea: Lasarte**

- Hezkuntza-premia berezien aholkularia: Garapenaren nahaste orokorrak

**B01 Berritzegunea: Bilbao**

- Etapako aholkularia: Haur eta Lehen Hezkuntza

**B02 Berritzegunea: Bilbao**

- Etapako aholkularia: Bigarren Hezkuntza-Arlo sozio-linguistikoa

**B04 Berritzegunea: Barakaldo**

- Etapako aholkularia: Haur eta Lehen Hezkuntza

**B05 Berritzegunea: Ortuella**

- Hezkuntza-premia berezien aholkularia: Gizarteratzea
- Etapako aholkularia: Bigarren Hezkuntza-Arlo sozio-linguistikoa (Titularraren urte sabatikoa)

**B07 Berritzegunea: Getxo**

- Hezkuntza-premia berezien aholkularia: Komunikazioaren ulergarritasuna eta garapena (Titularraren urte sabatikoa)

**B08 Berritzegunea: Leioa**

- Hezkuntza-premia berezien aholkularia: Komunikazioaren ulergarritasuna eta garapena



## II. ERANSKINA

## ESKAKIZUNAK

## IDAZKARI LANPOSTUAK

**B02 Berritzegunea Txurdinaga**

Idazkari/Dokumentalista  
A/B taldea  
HE: 2 betea

**B09 Berritzegunea. Durango**

Idazkari/Dokumentalista.  
A/B taldea.  
HE: 2 betea.

**Berritzegune Nagusia: Bilbao**

Idazkari/Dokumentalista.  
A/B taldea.  
HE: 2 betea

Idazkari/Dokumentalista.  
A/B taldea.  
HE: 2 betea

## LAGUNTZAILE LANPOSTUAK

**Berritzegune Nagusia (sede Bilbao)**

Laguntzailea: Elkarbizitza  
A/B Taldea.  
Euskera: 2. HE Beteta.

Titulazioa: Doktorearen, lizentziatuaren, arkitektoaren, ingeniariaren edo Graduako titulua, edo beste titulu baliokide batzuk, izatea edo titulu horiek emateko tasak ordaindu izana.  
Esperientzia: 3 urte arloko proiektuetan.

**Berritzegune Nagusia: Bilbao**

Hezkuntza-premia berezien laguntzailea: Gizarteratzea  
A/B Taldea.  
HE: 2 beteta.

Titulazioa: Psikologia, Pedagogia edo Psikopedagogia Doktorearen, lizentziatuaren edo Graduako titulua, edo beste titulu baliokide batzuk, izatea edo titulu horiek emateko tasak ordaindu izana.  
Esperientzia: 3 urte Hezkuntza berezian.





### III. ERANSKINA

#### BERRITZEGUNEETAKO ETA INGURUGELAKO LANPOSTU-ZERRENDAKO HAINBAT LANPOSTU ETA LAGUNTZAILE FUNTZIOAK BETETZEKO BAREMOA

GUZTIRA, GEHIENEZ ERE: 20 puntu.

##### 1.- Esperientzia: 6 puntu, gehienez ere.

- Hezkuntza Saileko Irakaskuntzari laguntzeko zerbitzuetan (Berritzegune, Ingurugela, ISEI-IVEI...) lan-esperientzia izateagatik. **2 puntu, gehienez ere.**

Lan egindako hilabete bakoitzeko 0,10 puntu.

- Ikastetxeetako zuzendaritza-taldeetan esperientzia izateagatik. **puntu 2, gehienez ere**

EAEko, Hezkuntza, Kultura eta Kiroleko Ministerioko, beste autonomia-erkidego batzuetako edo Europar Batasuneko estatu kideen hezkuntza-sareko unibertsitateaz kanpoko ikastetxe publikoetan, irakaskuntza arautuan, emandako hilabete bakoitzeko: 0,10 puntu.

Administrazioaren baimena duten unibertsitateaz kanpoko ikastetxe pribatuetan eta aurreko a) puntuan adierazitakoez bestelako erakundeen mendeko ikastetxe publikoetan, irakaskuntza arautuan, emandako hilabete bakoitzeko: 0,033 puntu

- Hezkuntza Sailean, irakaskuntzakoak ez diren eta eskatutako lanpostuarekin zerikusia duten lan-esperientzia izateagatik. **Puntu 1, gehienez ere**

Lan egindako hilabete bakoitzeko 0,10 puntu

- Eskatutako lanpostuaren alorrarekin zerikusia duten proiektuak dinamizatzeagatik eta koordinatzeagatik: **puntu 1, gehienez ere.**

Lan egindako hilabete bakoitzeko 0,05 puntu

##### 2.- Prestakuntza: puntu 1, gehienez ere.

- Kontuan hartuko dira 10 ordu baino gehiagoko ziurtagiri ofizialak eta Hezkuntza Sailak homologatuak, zerikusia dutenak eskatutako lanpostu edo funtzioekin. Ziurtagiriek berariaz erakutsi behar dute ordu-kopurua, edo baliokidetasunen ebazpenean aipatuta egon behar du.

- 10 prestakuntza-orduko: 0,10 puntu.

##### 3.- Hizkuntzak: puntu 1, gehienez ere.

- Atzerriko hizkuntzen ezagutza-maila aintzat hartuko da, B2 (0,5 puntu), C1 (0,75 puntu) edo C2 (puntu 1) ziurtagirien bidez.

##### 4.- Hitzaldiak eta ikastaroak emateagatik: puntu 1, gehienez ere.

- Kontuan hartuko dira ziurtagiri ofizialak eta Hezkuntza Sailak homologatuak, zerikusia dutenak eskatutako lanpostu edo funtzioekin. Dagokionean, ziurtagiriek berariaz erakutsi behar dute emandako ordu-kopurua.

- Ziurtatutako 10 ikastaro-orduko: 0,20 puntu.

- Hitzaldi bakoitzeko: 0,20 puntu.

##### 5.- Argitalpenak: puntu 1, gehienez ere.

Eskatutako lanpostuaren alorrarekin zerikusia duten argitalpenak balioetsiko dira.

- Honela balioetsiko dira:



- artikulua: 0,25 puntu.
- egile bakarreko liburuak, *softwarea* eta bideoak: 0,75 puntu.
- zenbait egileko liburuak, *softwarea* eta bideoak: 0,25 puntu.

#### **6.- Memoria: 8 puntu, gehienez ere.**

Hautagaiek gehienez hamar orriko memoria bat idatzi beharko dute, alde bakarretik, letra neurria 12 eta tarte bikoitza utzita, bete beharreko funtzioei eta lanari buruz.

Gutxienez 4 puntu lortu beharko dira memorian. Memorian 4 puntu horiek gutxienez lortzen ez dituztenak prozesutik kanpo geratuko dira

Memoriaren edukia IV. Eranskinean dago zehaztuta.

#### **Memoria baloratzeko kontuan hartuko diren irizpideak:**

1. Alderdi formalak.
2. Lanpostuaren egitekoekiko egokitzapena eta edukiaren garapen orokorra.
3. Erabilitako informazio-iturrien aniztasuna.
4. Erabilitako oinarriko kontzeptuetan argitasuna eta zehaztasuna.

Batzordeak parte hartzaileak deitu ahal izango ditu memoriak defenditzeko, beharrezko iritziz gero.

#### **7.- Antzintasuna irakasle gisa: 2 puntu, gehienez ere.**

- a) EAEko, Hezkuntza, Kultura eta Kirolen Ministerioi, beste autonomia-erkidego batzuetako edo Europar Batasuneko estatu kideen hezkuntza-sareko unibertsitateaz kanpoko ikastetxe publikoetan, irakaskuntza arautuan, emandako hilabete bakoitzeko: 0,10 puntu.

Antzintasuna frogatuko da izendapen edo kontratuaren eta kargu-uztearen fotokopia konpultsatuz, edo zerbitzu-orriaz. Europar Batasuneko estatu kideen ikastetxe publikoetan emandako zerbitzuak frogatzeko beharrezkoa izango da, gainera, zentroa publikoa dela eta emandako irakasgaiak arautuak direla ziurtatuko duen hezkuntza-administrazioaren dokumentu bat —zinpeko itzulpenaz— aurkeztea.

- b) Administrazioaren baimena duten unibertsitateaz kanpoko ikastetxe pribatuetan eta aurreko a) puntuan adierazitakoez bestelako erakundeen mendeko ikastetxe publikoetan, irakaskuntza arautuan, emandako hilabete bakoitzeko: 0,033 puntu.

Antzintasuna frogatuko da zentroaren zuzendaritzak emandako ziurtagiri baten bidez, non zerbitzuen iraupena jasoko den, eta ikuskaritzaren oniritziak, edo, bestela, kontratuaren fotokopia konpultsatuz eta Gizarte Segurantzako Diruzaintza Orokorrak emandako ziurtagiriaz, non zentroaren izena eta altako aldiak agertuko diren.



## IV. ERANSKINA

**ESKATUTAKO LANPOSTUAREN FUNTZIO ETA LANARI BURUZKO MEMORIA**

*(GEHIENEZ, 10 ORRI ALDE BATETIK ETA TARTE BIKOITZEAN, LETRA-NEURRIA 12)*

**EGILEA:**

**MEMORIA ZER LANPOSTURI BURUZKOA DEN:**

**1. SARRERA.**

- Aurrekariak eta arloko esperientzia.

**2. AHOLKULARITZAREN KONTZEPTUA**

- Marko teorikoa.
- Garatzeko funtzioak
- Aholkularitza lanerako aportazioak eta balorazioa
- ....

**3. LANPOSTUAREKIN ZERIKUSIRIK DUTEN JARDUKETA-LERROAK.**

- Justifikazioa
- Diagnostika
- Helbururak
- Lehentasunezko jarduerak
- Jarraipena: ebaluatzeko indikadoreak, tresnak

**4. AIPAMEN TEORIKOAK. BIBLIOGRAFIA.**